



**Vschinauncha da S-chanf**

7525 S-chanf



ENGADIN  
St. Moritz

---

## Da la suprastanza cumünela

---

### **FTTH – contrats e cunvegnas**

Ils 01. Favrer 2017 ho la radunanza cumünela approvo ad üna rait da FTTH a S-chanf e las fracziuns. Per realiser quist proget sun necessari divers contrats. La cunvegna cun Simon Salzgeber es gnieu fat e regla l'utilisaziun dals büschens da protecziun pels cabels da Simon Salzgeber respectivmaing la rait da fibra da la vschinauncha da S-chanf. La suprastanza cumünela decida unanim d'aderir a la cunvegna e da suottametter quella a la radunanza cumünela per l'approvaziun. Impü decida la suprastanza cumünela unanim d'aderir al contrat da lavur traunter la vschinauncha da S-chanf e la Repower AG regard ils attachs da chesas.

### **Promuziun da cultura regiun Malögia**

Fin la fin da l'an 2017 d'eira la promuziun da cultura l'incumbenza dal circol Engadin'Ota. Zieva ch'il circol es gnieu abolieu es quista incumbenza darcho tar las vschinaunchas. Per coordiner la promuziun da cultura illa regiun Malögia dess in futur surpiglier quista lezcha la regiun. Cun quista surdeda da lavuors paun vschinaunchas cun agüd d'üna cunvegna da prestaziun surder la promuziun da cultura regiunela a la regiun Malögia. La suprastanza cumünela discuta la cunvegna da prestaziun e decida da suottametter quella las votantas el's votants ad üna prosma radunanza cumünela cun la resalva, cha la populaziun da la regiun stu aderir ils müdamaints dals statüs. Impü piglia la suprastanza cumünela cugnuschentscha dal reglemaint d'organisaziun e da la missiva da la regiun Malögia.

S-chanf, 14 favrer 2018

La suprastanza cumünela